

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

EUSKARA, KULTURA ETA KIROL SAILA

Foru Gobernu Kontseiluaren 15/2018 Foru Dekretua, martxoaren 19koa. Onartzea Gazteriaren Foru Erakundeak 2018rako antolatutako udako jardueretan izena emateko kuoten prezio publikoari buruzko arautegia

Arabako Lurralde Historikoaren sektore publikoa osatzen duten erakundeen tasen eta prezio publikoen lege araubidea arautzen du 64/1989 Foru Arauak, tasa eta prezio publikoenak, azaroaren 23ko 33/1998 Foru Arauak zati batean aldatuak.

Diputatuen Kontseiluaren ekainaren 8ko 26/2010 Foru Dekretuak, Gazteriaren Foru Erakunde autonomoaren egitura eta funtzionamendu erregelamendua aldatzen duenak, 15. artikuluan arautzen ditu Gazteriaren Foru Erakundearen finantza baliabideak, eta ezartzen du bere helburuak betetzeko baliatuko dituela ematen dituen zerbitzuak erabiltzeagatik erabiltzaileek ordainduko dituzten kuotak, tasak eta prezio publikoak.

Horrela, Gazteriaren Foru Erakundearen Administrazio Kontseiluak foru erakundeak antolatutako udako jardueretan izena emateko kuoten prezio publikoen araudia onartzea proposatu zuen 2018ko otsailaren 28an.

Horiek horrela, Ekonomia Jardueren eta Deszentralizatutako Zerbitzu Juridikoen Jarduerari buruzko urriaren 30eko 15/1987 Foru Arauak 7. artikuluan xedatutakoaren harira Arabako Foru Aldundiaren Antolaketari, Funtzionamenduari eta Lege Araubideari buruzko abenduaren 18ko 52/1992 Foru Arauak 8. artikuluan xedatutakoa kontuan hartu, eta Kontuhartzaitetza Zerbitzuaren ezinbesteko eta alde zuzeneko txostena eskatu da.

Horregatik guztiagatik, Euskera, Kultura eta Kirolen Saileko foru diputatuak hala proposatuta eta Foru Gobernu Kontseiluak gaur bertan egindako bileran gaia aztertu ondoren, hau,

XEDATZEN DUT

Lehenengoa. Gazteriaren Foru Erakundeak antolatutako udako jardueretan izena emateko kuoten prezio publikoen araudia onartzea, honen arabera.

Bigarrena: Gazteriaren Foru Erakundearen Zuzendaria ahaldundu akordio honetan aurreikusita ez dagoena ebazteko.

Hirugarrena: Ebazpen hau ALHAO argitaratzea. Argitaratzen den egunetik bertatik izango du indarra.

Vitoria-Gasteiz, 2018ko martxoaren 19a

Diputatu nagusia

RAMIRO GONZÁLEZ VICENTE

Euskara, Kultura eta Kirol Saileko diputatua

IGONE MARTÍNEZ DE LUNA UNANUE

Eranskina

Araudia, GAZTERIAREN FORU ERAKUNDEAK antolatutako udako jardueretan izena emateko kuoten prezio publikoarena

1. artikulua. Zerga gaia

Zerga gaia da Gazteriaren Foru Erakundeak antolatutako udako jardueretan izena ematea.

2. artikulua. Ordaintzera behartuak

Jardueretan izena eman duten pertsona fisikoak edo haien guraso, tutore edo legezko ordezkariak daude ordaintzera behartuta.

3. artikulua. Izena emate kuotak

Egitarratuaren eta horren iraupenaren arabera da izen emate kuota:

UDALEKUAK

TXANDAK	KUOTA	KUOTA MURRIZTUA 1 (FAMILIA UGARIAK -% 30)	KUOTA MURRIZTUA 2 (GIZARTE LAGUNTZAK -% 60)
7	122,00	85,00	49,00
10	178,00	125,00	71,00

MINTZAGUNEA

TXANDAK EGUNAK	KUOTA	KUOTA MURRIZTUA 1 (FAMILIA UGARIAK -% 30)	KUOTA MURRIZTUA 2 (GIZARTE LAGUNTZAK -% 60)
9	188,00	132,00	75,00

GAZTE BIDAIK

TXANDAK EGUNAK	KUOTA	KUOTA MURRIZTUA 1 (FAMILIA UGARIAK -% 30)	KUOTA MURRIZTUA 2 (GIZARTE LAGUNTZAK -% 60)
7	203,00	142,00	81,00
10	289,00	202,00	117,00
11	320,00	224,00	128,00
12	350,00	245,00	140,00

ZINELEKUA

TXANDAK EGUNAK	KUOTA	KUOTA MURRIZTUA 1 (FAMILIA UGARIAK -% 30)	KUOTA MURRIZTUA 2 (GIZARTE LAGUNTZAK -% 60)
12	350,00	245,00	140,00

4. artikulua. Hobariak

a) Ehuneko 60ko hobaria, gizarte laguntza gisa, programa bakoitzaren kasuan kasuko kuotan. Laguntza hauek izango dituzte Gizarte Zerbitzuen gizarte larrialdietarako laguntzak (GLL), diru sarrerak bermatzeko errenta (SBE) edo bestelako laguntzaren bat jasotzen dituzten familiek, beti ere, dagozkion frogagiriak aurkeztuta.

b) Programa bakoitzari dagokion kuotaren ehuneko 30eko hobaria, familia ugaria izateagatik. Eskaerari familia ugariaren indarreko titulua erantsi behar zaio, non laguntzaren eskatzailea agertuko den.

c) Hobariak ezin izango dira pilatu.

d) Hobari horiek lekua esleitzeko unean eta kuota ordaindu baino lehen eskatuko dira.

e) "Zinelekua" programan, hobariak bakarrik Araban erroldatutako pertsoneri ezarriko dira.

5. artikulua. Sortzapena

Zernahi jardueratako plazaren esleipena jakinaraztean sortuko da kuota ordaintzeko beharra.

6. artikulua. Ordaintzeko era

Esleipena baieztatutakoan ordainduko da; hain zuzen ere, horretarako gaitutako banku kontuan.

7. artikulua. Kudeaketa eta administrazioa

Prezio publiko hauen kudeaketa eta administrazioa Gazteriaren Foru Erakundearen, hots, Arabako Foru Aldundiko erakunde autonomoaren eta Euskara, Kultura eta Kirol Sailari atxikitakoaren, eginkizun dira.